

visokoškolske ustanove, u skladu sa opštim aktom visokoškolske ustanove.

- (4) Unija i studentska predstavnička tijela visokoškolskih ustanova obavezni su svakih šest mjeseci dostavljati izvještaje o finansijskom poslovanju organima koji vrše nadzor nad njihovim radom.

Član 47.

- (1) Novčanom kaznom od 1.000,00 KM do 5.000,00 KM kaznit će se za prekršaj studentska organizacija ako:
- obavlja djelatnost suprotno odredbama ovog zakona,
 - obavlja djelatnost, a nije upisana u Registar studentskih organizacija,
 - raspolože finansijskim sredstvima za rad suprotno odredbama zakona,
 - stiče sredstva za rad suprotno odredbi člana 43. ovog Zakona.
 - organizuje izbore za studentsku organizaciju suprotno odredbama ovog Zakona.
- (2) Za prekršaj iz tačke c) i d) ovog člana kaznit će se predsjednik studentske organizacije novčanom kaznom od 300,00 KM do 1.000,00 KM.

DIO VI - PRELAZNE I ZAVRŠNE ODREDBE

Član 48.

(Postojeće studentske organizacije)

- (1) Studentske organizacije formirane u skladu sa Zakonom o udruženjima i fondacijama ("Službene novine Federacije BiH", broj 45/02) i općim aktima visokoškolskih ustanova nastavljaju s radom do isteka trajanja mandata, odnosno do izbora studentskih organizacija u skladu sa odredbama ovog Zakona.
- (2) Studentski predstavnici u Senatu i Upravnom odboru visokoškolskih ustanova nastavljaju svoj rad do isteka trajanja mandata, odnosno do izbora studentskih predstavnika u skladu sa odredbama ovog Zakona.

Član 49.

(Usklađivanje akata i organizacije postojećih studentskih organizacija)

- (1) Studentske organizacije su obavezne svoje akte i organizaciju uskladiti s ovim zakonom u roku od 90 dana od dana stupanja na snagu ovoga Zakona.
- (2) Visokoškolske ustanove obavezne su uskladiti svoje statute i druge akte s ovim zakonom u roku od 90 dana od dana stupanja na snagu ovoga Zakona.
- (3) Prvi izbori za studentske organizacije u skladu sa ovim Zakonom sprovede se do isteka trajanja mandata studentskih predstavničkih tijela čiji je mandat u toku u vrijeme stupanja na snagu ovog Zakona.
- (4) Aktivni članovi u studentskim organizacijama koji studiraju po starom nastavnom planu i programu mogu biti oni studenti koji nisu navršili 27 godina života.

Član 50.

(Stupanje na snagu)

Ovaj Zakon stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-11472/10
4. maja 2010. godine
Sarajevo

Predsjedavajući
Skupštine Kantona Sarajevo
Dr. Denis Zvizdić, s. r.

Na osnovu člana 13. tačka c) i člana 18 tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01 i 28/04), člana 30. Zakona o zaštiti prirode ("Službene novine Federacije BiH", broj 33/03), Skupština Kantona Sarajevo, na sjednici održanoj 4. maja 2010. godine, donijela je

ZAKON

O PROGLAŠENJU ŠIREG PODRUČJA VODOPADA
"SKAKAVAC" SPOMENIKOM PRIRODE

POGLAVLJE I. OPĆE ODREDBE

Član 1.

(Predmet Zakona)

Ovim Zakonom proglašava se šire područje vodopada "Skakavac" Spomenikom prirode, utvrđuju granice obuhvata, kategorija zaštićenog područja, zoniranje prostora, mjere zaštite, intervencije u zaštićenom području, razvojne smjernice, upravljanje i kaznene mjere.

Član 2.

(Zaštićeno područje)

Područje vodopada "Skakavac" koje se nalazi u istočnom dijelu Centralne Bosne, a sjeverno i sjeveroistočno od Sarajevsko-zeničkog bazena i Sarajevske kotline, omeđeno sa sjeverne, istočne i južne strane višim reljefom (Bukovik 1532 m, Rašljevo brdo 1492 m na jugoistoku, Vanjske stijene 1401 m na istoku, Stojne stijene sa Nebešinom 1410 m na sjeveru, te Uževice na zapadu 1393 m), proglašava se Spomenikom prirode.

POGLAVLJE II. GRANICE OBUHVATA

Član 3.

(Granice obuhvata)

Granica obuhvata Spomenika prirode polazi od trigonometra Kozo kota 1256, ide na sjeveroistok do raskršća u tačku sa koordinatama (y-6 535 886, x-4868 914), potom nastavlja putem iznad Jasikovca do raskršća (y-6 536 239, x-4 869 0999), dalje u blagom luku ide do potoka (y-6 536 969, x-4 869 273), zatim u pravoj liniji prelazi preko kote (Nebešina) 1418 do puta, tu se lomi, skreće na jugo-istok, presijeca potok Sušicu i dolazi do tačke sa koordinatama (y-6 538 366, x-4 868 701), opet se granica lomi na jugo-istok do tačke (y-6 538 589, x-4 686 321), te skreće na jugo-zapad do kote 1247 (y-6 538 224, x-4 868 005), zatim dolazi na Perački potok (y-6 538 085, x-4 867 394), nastavlja uzvodno potokom do kote 924. Tu se granica lomi, ide na jugo-zapad kosom, pa krivudavim šumskim putem presijeca kolski put u izgradnji i dolazi do kote 1494 (Vratolom). Zatim skreće na zapad, prolazi sjeverno od planinarskog doma i dolazi do kote 1534 (Bukovik). Odatle granica ide kosom na sjevero-zapad do tačke sa koordinatama (y-6 535 954, x-4 865 989), nastavlja dalje prema jugo-zapadu u dužini od oko 230 m, skreće na kotu 1401 (sjevero-istočno od kote 1387 Uževice). Tu se granica lomi, ide na sjevero-zapad kosom kroz šumu i do kraja šume u tačku sa koordinatama (y-6 534 923, x-4 867 049), nastavlja dalje kosom do tačke sa koordinatama (y-6 534 964, x 4 867 335), potom granica ide na sjeverozapad presijecajući Perački potok, pa kosom kroz šumu do tačke sa koordinatama (y-6 534 631, x-4 867 850), zatim granica nastavlja ivicom šume do tačke sa koordinatama (y-6 534 646, x-4 868 130), odatle pravom linijom na kotu 1066, pa na sjevero-istok putem do tačke sa koordinatama (y-6 535 165, x-4 868 502), potom na kotu 1256 (Kozo) odakle je opis ovoga područja i počeo.

Sve gore navedene parcele se nalaze u: K.O. Visojevica, Općina Ilijaš; K.O. Tihovići, Općina Vogošća; K.O. Nahorevo i K.O. Močioći II, Općina Centar; K.O. Močioći i Vučija Luka, Stari Grad.

Površina obuhvata iznosi: P = 1430,07 ha. Opis granica je urađen sa karata razmjere: R = 1:10 000 i 1:25 000.

POGLAVLJE III. KATEGORIZACIJA I CILJEVI ZAŠTITE

Član 4.

(Kategorija zaštićenog područja i ciljevi zaštite)

Zaštićeno područje se proglašava trećom kategorijom - Spomenik prirode namijenjenim za ostvarivanje ciljeva:

- a) zaštite ili očuvanja trajnih prirodnih karakteristika od izuzetne važnosti pružanja mogućnosti za naučna istraživanja, obrazovanje i korištenje i sl.,
- b) otklanjanja i sprječavanja eksploatacije ili posjeta koje mogu dovesti do promjene i oštećenja prirode za omogućavanje koristi stanovništvu koje živi na tom području, a koje je u skladu sa ciljevima upravljanja.

POGLAVLJE IV. ZONIRANJE

Član 5.

(Zoniranje prostora)

Zavisno od stepena zaštite, u okviru granica Spomenika prirode, utvrđuju se tri zaštićene zone.

Član 6.

(Prva (nukleus) zaštićena zona)

- (1) Prva zaštićena zona (nukleus) obuhvata vodopad "Skakavac" i njegovu okolinu, a predstavlja prostor najviših vrijednosti, koje moraju ostati u potpunosti očuvane.
- (2) Granica obuhvata polazi sa kote 1221,9 koja ima koordinate (y-6 537 702,35, x-4 866 972,47), kreće prema jugo-zapadu, prelazi preko kote Rast (1401 m), dolazi u tačku gdje se spajaju dva povremena potoka (y-6 536 431,81, x-4 866 713,24), nastavlja na zapad prolazeći južno od kote 1312,9, dolazi i na istočnu stranu proplanka u tačku sa koordinatama (y-6 535 758,17, x-4 866 848), tu se granica lomi i skreće na sjevero-zapad, idući kosom prema Peračkom potoku kojega presijeca i dolazi u tačku sa koordinatama (y-6 535 347,16, x-4 867 608,59). Tu se granica lomi i ide na sjevero-istok idući šumom preko proplanka i dolazi na put u tačku sa koordinatama (y-6 535 666,07, x-4 868 626,73), odatle granica u luku nastavlja prema jugo-istoku i dolazi na ivicu šume u tačku sa koordinatama (y-6 536 148,71, x-4 868 555,1), nastavlja preko proplanka te u blagom luku ide na sjevero-istok i dolazi do tačke na stijeni sa koordinatama (y-6 536 858,16, x-4 868 942,23). Tu se granica lomi i ide na jug i jugo-istok prolazeći proplankom, presijeca pješačku stazu i dolazi na rub šume u tačku sa koordinatama (y-6 537 236,77, x-4 868 350,45), nastavlja na sjevero-istok, izlazi na potok u tački sa koordinatama (y-6 537 693,82, x-4 868 493,70) potom u blagom luku skreće na jugo-istok i izlazi na potok u tačku sa koordinatama (y-6 538 082,66, x-4 868 440,84), nastavlja na jug i dolazi do kote 1246,8 m, tu se granica lomi prema jugo-zapadu presijecajući Perački potok i dolazi na kotu 1221,9 odakle je opis područja i počeo.
- (3) Površina obuhvata iznosi: 460,80 ha. Opis ovoga područja rađen je sa karata R = 1: 5 000.
- (4) Iz ovoga obuhvata izuzima se obuhvat I zone sanitarne zaštite Peračkog Vrela, površine P = 11,6 ha, koji je zasebno opisan.

POGLAVLJE V. OSNOVNE VRIJEDNOSTI ZAŠTIĆENIH ZONA

Član 7.

(Osnovne vrijednosti Prve zaštićene zone)

- (1) Hidrološka raznolikost vrelo Skakavac:
 - a) vodopad Skakavac,
 - b) hidrološki Spomenik prirode i kategorije,
 - c) kanjon Sušice,
 - d) Perački potok,
 - e) potok Jasikovac.
- (2) Geološka raznolikost:
 - a) Crvene stijene,
 - b) stijene Peračkog potoka,
 - c) stijene vodopada Skakavac.
- (3) Visok stupanj florističke raznolikosti:
 - a) utvrđeno prisustvo preko 1500 biljnih vrsta,

- b) visok stepen endemičnosti biljaka,
- c) evidentirano preko 100 dinarskih endema,
- d) evidentirano 120 balkanskih endema,
- e) jugoistočno evropskih endema 40, te
- f) preko 100 rijetkih biljaka.

(4) Faunistička raznolikost.

(5) Sakralno naslijeđe - nekropola stećaka iz XIII i XIV stoljeća.

(6) Ovu zonu karakteriše visok stepen vegetacijske raznolikosti, koja se odlikuje različitim endemičnim i reliktnim zajednicama u pukotinama stijena, sipara i šuma.

Član 8.

(Druga (pufer) zaštićena zona)

- (1) Druga zona (puferska zona) obuhvata prostor na kome se prvenstveno ostvaruje očuvanje i zaštita izvornog stanja.
- (2) Granica obuhvata polazi sa kote Kozo (1265,5 m) ide na sjevero-istok granicom ukupnog obuhvata do tačke sa koordinatama (y-6 535 754, x-4 868 837,92) tu skreće na jugo-istok dolazeći do tačke sa koordinatama (y-6 536 183,55, x-4 868 660,16) potom skreće u blagom luku na sjevero-istok izlazeći na granicu ukupnog obuhvata u tački sa koordinatama (y-6 536 678,38, x-4 869 248,12). Obuhvat ovoga područja dalje produžava na sjevero-istok granicom ukupnog obuhvata i dolazi u tačku sa koordinatama (y-6 537 119,72, x-4 869 282,28), lomi se i kreće u blagom luku prema jugo-zapadu, jugu i dolazi u tačku sa koordinatama (y-6 537 181,24, x-4 868, 545,21), produžava prema sjevero-istoku i izlazi na granicu ukupnog obuhvata u tački sa koordinatama (y-6 537 761,33, x-4 869 095,55) njim produžava na jugo-istok presijecajući potok sušicu i dolazi u tačku sa koordinatama (y-6 538 593,49, x-4 868 315,98), skreće na jugo-zapad, jug i jugo-istok i dolazi do raskršća puteva u tačku sa koordinatama (y-6 538 661,06, x-4 867 372,08), produžava dalje na istok i sjevero-istok, presijeca rijeku Lješnicu i dolazi u tačku na granicu ukupnog obuhvata čije su koordinate (y-6 539 235,02, x-4 867 419,11). Granica dalje nastavlja granicom ukupnog obuhvata do tačke sa koordinatama (y-6 537 947,73, x-4 865 675,79) koja se nalazi istočno od kote Vratolom, zatim skreće prema sjeverozapadu i dolazi do tačke čije su koordinate (y-6 537 214,80, x-4 866 418,72), granica dalje nastavlja prema zapadu i dolazi do tačke sa koordinatama (y-6 536 283,63, x-4 866 395,95), skreće na jugozapad i dolazi na granicu ukupnog obuhvata u tačku sa koordinatama (y-6 535 234,02, x-4 865 680,64), tu skreće na sjevero-zapad i dolazi do tačke sa koordinatama (y-6 534 993,25, x-4 866 189,25), skreće na sjevero-istok, sjever i sjevero-zapad i dolazi do tačke sa koordinatama (y-6 534 856,65, x-4 866 681,89), dalje nastavlja granicom ukupnog obuhvata i dolazi do tačke sa koordinatama (y-6 534 828,56, x-4 867 551,17) tu granica skreće na sjevero-istok, sjever i sjevero-zapad i dolazi u tačku sa koordinatama (y-6 534 708,73, x-4 868 431,15), dalje produžava na sjevero-istok granicom ukupnog obuhvata i dolazi do kote Kozo odakle je opis ovoga područja počeo.

(3) Površina obuhvata iznosi: P = 616,90 ha. Opis ovoga područja rađen je sa karata R = 1: 10 000.

(4) Iz ovoga obuhvata izuzima se obuhvat I zone koji je prethodno opisan. Opis ovoga područja rađen je sa karata 1:5000.

Član 9.

(Karte granica)

Karta Spomenika prirode "Skakavac" sa ucrtanom granicom i obuhvata i zaštićenih zona čuvaju se u Ministarstvu prostornog uređenja i zaštite okoliša Kantona Sarajevo - Upravi za geodetske i imovinsko-pravne poslove.

Član 10.

(Osnovne vrijednosti Druge zaštićene zone)

- (1) Hidrološka raznolikost:
 - a) Perački potok,
 - b) potok Lješnica,
 - c) potok Sušica,
 - d) Miljevički potok,
 - e) Seinovački potok,
 - f) vrela ispod Bukovika,
 - g) vrela ispod Vranjske stijene,
 - h) vrela ispod Stublina.
- (2) Geološka raznolikost:
 - a) klisura Babinog potoka,
 - b) Vranjske stijene,
 - c) Uževica,
 - d) Sušica,
 - e) Volujske stijene.
- (3) Visok stupanj florističke raznolikosti:
 - a) utvrđeno prisustvo preko 1500 biljnih vrsta,
 - b) visok stepen endemičnosti biljaka.
- (4) Faunistička raznolikost.
- (5) Sakralno naslijeđe:
 - a) Lokalitet Perca,
 - b) Pravoslavno groblje "Potoci" i
 - c) Pravoslavno groblje "Pod Jasikom".
- (6) Ovu zonu karakteriše visok stepen vegetacijske raznolikosti, koja se odlikuje različitim endemičnim i reliktnim zajednicama u pukotinama stijena, sipara i šuma.

Član 11.

(Treća (tranzicijska) zaštićena zona)

Treća zaštićena zona obuhvata prostor površine od P = 353,00 ha, a nalazi se u obuhvatu između granice Druge zone i granice obuhvata Spomenika prirode. Predstavljaju je 6 prostorno odvojenih rubno postavljenih dijelova (III/1- III/6).

POGLAVLJE VI. PODRUČJA IZVORA I POTOKA
SKAKAVAC I PERAČKO VRELO

Član 12.

(Granice obuhvata)

- (1) U granicama Spomenika prirode "Skakavac", utvrđenim u Prostornom planu područja posebnih obilježja za područja izvora i potoka Skakavac i Peračkog vrela, koje se protežu u sve tri zaštićene zone, primjenjuju se mjere zaštite propisane za Prvu zaštićenu zonu Spomenika prirode.
- (2) Sanitarna zaštita izvorišta vode za piće Peračkog vrela i zahvata iz otvorenog toka rijeke Vogošće urediće se posebnim propisom.

POGLAVLJE VII. MJERE ZAŠTITE

Član 13.

(Mjere zaštite u Prvoj zaštićenoj zoni)

U prvoj zaštićenoj zoni mjere zaštite obuhvataju konzervaciju specifičnih prirodnih obilježja i odnose se na:

- a) strogu zabranu izgradnje građevina, izuzev održavanja postojećih građevina u funkciji vodozahvata Peračkog vrela,
- b) zabranu izgradnje u zonama postojećih vrela i slivnom području,
- c) urgentno uklanjanje objekata koji su potencijalni zagađivači sliva i vode na vrelima,
- d) zabranu saobraćaja za sva motorna vozila, izuzev vozila sa odobrenjem upravljača zaštićenog područja,
- e) strogu zabranu sječe šume, osim saniranja bolesnih stabala,
- f) strogu zabranu kaptiranja vrela - hidroloških spomenika,
- g) strogu zabranu korištenja otvorenog plamena,

- h) zabranu lova i ribolova,
- i) zabranu sakupljanja ljekovitog bilja, gljiva i šumskih plodova, osim za vlasnike privatnih posjeda,
- j) zabranu stočarstva i poljoprivrede,
- k) zabranu unosa alohtonih biljnih i životinjskih taksona, uključujući genetski modificirane organizme,
- l) zabranu bilo kakve modifikacije senzitivnih staništa,
- m) zabranu iskorištavanja neobnovljivih prirodnih resursa, kao što su mineralne sirovine i sl.,
- n) zabranu odlaganja otpada.

Član 14.

(Mjere zaštite u Drugoj zaštićenoj zoni)

U drugoj zaštićenoj zoni mjere zaštite obuhvataju prvenstveno očuvanje i zaštitu izvornog stanja, a obuhvataju:

- a) zabranu izgradnje u zonama postojećih vrela,
- b) strogu zabranu kaptiranja postojećih vrela,
- c) strogu zabranu sječe, osim sanitarne,
- d) zabranu korištenja otvorenog plamena,
- e) zabranu lova i ribolova,
- f) zabranu sakupljanja ljekovitog bilja, gljiva i šumskih plodova, osim za vlasnike privatnih posjeda,
- g) zabranu unosa alohtonih biljnih i životinjskih taksona, uključujući genetski modificirane organizme,
- h) zabranu stočarstva i poljoprivrede, osim ekstenzivnog (tradicionalnog) stočarstva i poljoprivrede na privatnim posjedima, izuzimajući zaštitnu zonu Peračkog vrela,
- i) zabranu izgradnje građevina, osim rekonstrukcije tradicionalnih građevina i građevina za potrebe upravitelja,
- j) zabranu saobraćaja za sva motorna vozila, izuzev vozila sa odobrenjem upravitelja zaštićenog područja.

Član 15.

(Mjere zaštite u Trećoj zaštićenoj zoni)

Mjere zaštite u trećoj zaštićenoj zoni obuhvataju:

- a) zabranu intenzivnog stočarstva,
- b) zabranu lova i ribolova,
- c) zabranu intenzivnog sakupljanja ljekovitog bilja,
- d) zabranu intenzivnog sakupljanja gljiva,
- e) zabranu poljoprivredne proizvodnje koja se bazira na intenzivnom korištenju egrohemijskih sredstava,
- f) zabranu unosa alohtonih biljnih i životinjskih taksona, uključujući genetski modificirane organizme,
- g) zabranu izgradnje građevina, osim izgradnje definisane Prostornim planom područja posebnih obilježja.

Član 16.

(Usklađivanje šumskoprivrednih, lovoprivrednih i vodoprivrednih osnova sa mjerama zaštite)

Šumskoprivredne, lovoprivredne i vodoprivredne osnove, u granicama zaštićenog područja, uskladiće se sa mjerama zaštite utvrđenim ovim Zakonom i Prostornim planom područja posebnih obilježja Spomenik prirode "Skakavac".

POGLAVLJE VIII. INTERVENCIJE U ZAŠTIĆENOM
PODRUČJU

Član 17.

(Dozvoljene intervencije u Prvoj zaštićenoj zoni)

U prvoj zaštićenoj zoni dozvoljeno je:

- a) uređenje staza za bezbjedan pristup vodopadu "Skakavac",
- b) uređenje staza i punktova za edukativno posmatranje i izučavanje područja,
- c) uređenje odmorišta za posjetiocce,
- d) postavljanje klupa, korpi za otpatke, putokaza, oznaka za kretanje i sl.

Član 18.

(Dozvoljene intervencije u Drugoj zaštićenoj zoni)

U drugoj zaštićenoj zoni dozvoljena je:

- a) izgradnja građevina u skladu sa Prostornim planom područja posebnih obilježja,
- b) obnova vodenica,
- c) izgradnja edukacionih staza,
- d) markiranje pješačkih staza,
- e) markiranje hidroloških i arheoloških spomenika, historijskih spomenika i sakralnih lokaliteta,
- f) markiranje karakterističnih ekosistema i sl.,
- g) ograničena upotreba motorizovanih sredstava i to za službe osmatranja, protivpožarnu službu, službu za potrebe ekološkog turizma i opserviranja (vozila sa odobrenjem upravljača).

Član 19.

(Dozvoljene intervencije u Trećoj zaštićenoj zoni)

- (1) U trećoj zaštićenoj zoni dozvoljena je:
 - a) izgradnja u skladu sa Prostornim planom područja posebnih obilježja,
 - b) obavljanje poljoprivredne proizvodnje i stočarstva,
 - c) sanitarna sječa.

POGLAVLJE IX. RAZVOJNE SMJERNICE

Član 20.

(Razvojne smjernice)

- (1) Razvojne smjernice u Spomeniku prirode Skakavac su:
 - a) unapređenje za fizičkogeografskog i biološkog diverziteta,
 - b) poboljšanje postojeće i izgradnja nove infrastrukture, kojom se unapređuje turistička ponuda i prihvat turista, kao i uslovi života stanovnika lokalne zajednice,
 - c) poticanje dopunskih djelatnosti u poljoprivredi koje su povezane sa okološkom poljoprivrednom proizvodnjom i uzgojem autohtonih pasmina domaćih životinja i njihovih proizvoda,
 - d) obnavljanje objekata naselja Luke i povratak stanovništva u funkciji razvoja turističke ponude,
 - e) razvoj i unapređenje ekoturističkih potencijala općina Stari Grad, Centar, Vogošća i Ilijaš i šireg područja Kantona Sarajevo na nivou organizovanih i planskih turističkih posjeta, koje imaju sportsko-rekreativni i edukacioni karakter, a u koje su, istovremeno, uključeni i kulturni elementi šireg područja,
 - f) unapređenje saradnje sa lokalnim stanovništvom kako bi se zaštićeno područje stavilo u funkciju održivog razvoja.
- (2) Razvojne smjernice se detaljnije razrađuju u Planu upravljanja Spomenikom prirode.

POGLAVLJE X. KORIŠTENJE I UPRAVLJANJE

Član 21.

(Korištenje)

- (1) Korištenje prirodnih vrijednosti u granicama Spomenika prirode "Skakavac" dozvoljeno je samo ako nije u suprotnosti sa ciljevima i mjerama zaštite utvrđenim ovim Zakonom i drugim propisima.
- (2) U zaštićenom buhvalu nije dozvoljena promjena namjene zemljišta utvrđena planskim dokumentom, kao ni promjena strukture površina koje je po namjeni poljoprivredno zemljište.
- (3) Šumskim ekosistemima koji pripadaju području Spomeniku prirode "Skakavac" upravlja se u skladu sa ovim Zakonom i odgovarajućim planskim dokumentom.

Član 22.

(Upravljanje)

- (1) Upravljanje zaštićenim područjem, u skladu sa ovim Zakonom, Prostornim planom područja posebnih obilježja i Planom upravljanja, vrši Kantonalna javna ustanova za zaštićena prirodna područja.

- (2) Plan upravljanja donosi Vlada Kantona Sarajevo, u skladu sa federalnim propisom, kojim se uređuje sadržaj i način izrade Plana upravljanja.

Član 23.

(Sredstva)

Sredstva za obavljanje poslova zaštite obezbjeđuju se iz slijedećih izvora:

- a) Budžeta Kantona Sarajevo,
- b) Kantonalnog fonda za zaštitu okoliša,
- c) prihoda od prodaje ulaznica, pristupnica specijalnim događajima, naknade za parkiranja, kampiranja i turističkih usluga,
- d) od naknade za korištenje znaka Spomenika prirode,
- e) od ulaznica i promotivnog materijala,
- f) međunarodnih izvora finansiranja,
- g) donacija, subvencija i grantova,
- h) drugih izvora.

POGLAVLJE XI. NADZOR

Član 24.

(Nadzor)

- (1) Upravni nadzor nad primjenom odredaba ovog Zakona obavlja Ministarstvo prostornog uređenja i zaštite okoliša Kantona Sarajevo.
- (2) Inspekcijski nadzor nad provođenjem ovog Zakona vrši Kantonalna uprava za inspekcijske poslove.
- (3) Stručni nadzor nad primjenom i provođenjem ovog Zakona vrši Kantonalni zavod za zaštitu kulturno-historijskog i prirodnog nasljeđa Sarajevo.

Član 25.

(Neposredan nadzor)

- (1) Neposredan nadzor, zaštitu i poslove čuvanja i promociju Spomenika prirode, vrši Kantonalna javna ustanova za zaštićena prirodna područja, putem nadzornika-čuvara prirode.
- (2) Ako nadzornik-čuvar prirode zatekne lice, koje vrši radnju suprotno odredbama ovog Zakona i propisima donesenim na osnovu njega, ima pravo zatražiti ličnu kartu ili drugu ispravu na osnovu koje može izvršiti identitet te osobe, sačiniti zapisnik, te podnijeti prijavu ovlaštenom licu za pokretanje prekršajnog postupka.
- (3) Način sačinjavanja zapisnika i sadržaj prijave iz stava (2) ovog člana, izgled uniforme, te oblik i sadržaj legitimacije nadzornika-čuvara, bliže će se odrediti Pravilnikom, kojeg će donijeti ministar prostornog uređenja i zaštite okoliša Kantona Sarajevo u roku od 90 (devedeset) dana od dana stupanja na snagu ovog Zakona.
- (4) Za nadzornika-čuvara može biti postavljeno lice koje pored općih uslova propisanih zakonom ispunjava i posebne uslove: da ima srednju stručnu spremu, položen stručni ispit za namještenike i šest mjeseci radnog staža.

POGLAVLJE XII. KAZNENE ODREDBE

Član 26.

- (1) Novčanom kaznom u iznosu od 5.000,00 KM do 10.000,00 KM bit će kažnjeno za prekršaj pravno lice, ako postupi suprotno odredbama člana 13. ovog Zakona.
- (2) Za prekršaje iz stava (1) ovog člana, bit će kažnjeno i odgovorno lice u pravnom licu novčanom kaznom u iznosu od 1.000,00 KM do 2.000,00 KM.
- (3) Za prekršaje iz stava (1) ovog člana, bit će kažnjeno i fizičko lice novčanom kaznom u iznosu od 500,00 KM do 1.000,00 KM.

Član 27.

- (1) Novčanom kaznom u iznosu od 3.000,00 KM do 5.000,00 KM bit će kažnjeno za prekršaj pravno lice, ako postupi suprotno odredbama člana 14. ovog Zakona.
- (2) Za prekršaje iz stava (1) ovog člana, bit će kažnjeno i odgovorno lice u pravnom licu novčanom kaznom u iznosu od 1.000,00 KM do 1.500,00 KM.
- (3) Za prekršaje iz stava (1) ovog člana, bit će kažnjeno i fizičko lice novčanom kaznom u iznosu od 200,00 KM do 500,00 KM.

Član 28.

- (1) Novčanom kaznom u iznosu od 5.000,00 KM do 10.000,00 KM biće kažnjeno pravno lice, ako postupi suprotno odredbama člana 20. ovog Zakona u zaštićenom prostoru, prenamjeni ili dozvoli prenamjenu zemljišta koja nije u skladu sa Prostornim planom posebnih obilježja.
- (2) Za prekršaj iz stava (1) ovog člana, bit će kažnjeno i odgovorno lice u pravnom licu novčanom kaznom u iznosu od 1.000,00 KM do 2.000,00 KM.

POGLAVLJE XIII. ZAVRŠNE ODREDBE

Član 29.

(Prestanak važenja Odluke)

Danom stupanja na snagu ovog Zakona prestaje primjena Odluke o proglašenju šireg područja vodopada "Skakavac" spomenikom prirode ("Službene novine Kantona Sarajevo", broj 10/02).

Član 30.

(Stupanje na snagu Zakona)

Ovaj Zakon stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-11474/10
4. maja 2010. godine
Sarajevo

Predsjedavajući
Skupštine Kantona Sarajevo
Dr. Denis Zvizdić, s. r.

Na osnovu člana 18. tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01 i 28/04), Skupština Kantona Sarajevo, na sjednici održanoj 4. maja 2010. godine, donijela je

ZAKON

O IZMJENI ZAKONA O NABAVLJANJU, DRŽANJU I
NOŠENJU ORUŽJA I MUNICIJE

Član 1.

U Zakonu o nabavljanju, držanju i nošenju oružja i municije ("Službene novine Kantona Sarajevo", br. 38/07 i 43/08) u članu 52. stavu (1) riječi: "šest mjeseci do dvije godine" zamjenjuju se riječima "novčanom kaznom ili kaznom zatvora od šest mjeseci do tri godine".

Član 2.

Ovaj Zakon stupa na snagu narednog dana od dana objavljivanja u "Službenim novinama Kantona Sarajevo".

Broj 01-02-11473/10
4. maja 2010. godine
Sarajevo

Predsjedavajući
Skupštine Kantona Sarajevo
Dr. Denis Zvizdić, s. r.

Vlada Kantona

Na osnovu čl. 22. i 24. stav 2. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst) Vlada Kantona Sarajevo, na 51. sjednici održanoj 5. maja 2010. godine, donijela je

ODLUKU

O USVAJANJU GODIŠNJEG OBRAČUNA BUDŽETA
KANTONA SARAJEVO ZA FISKALNU 2009. GODINU

I.

Usvaja se Godišnji obračun Budžeta Kantona Sarajevo za fiskalnu 2009. godinu.

II.

Sastavni dio ove Odluke je Godišnji obračun Budžeta Kantona Sarajevo za fiskalnu 2009. godinu.

III.

Ova Odluka stupa na snagu danom objavljivanja u "Službenim novinama Kantona Sarajevo".

Broj 02-05-9990-28/10
5. maja 2010. godine
Sarajevo

Premijer
Besim Mehmedić, s. r.